

Киши жерлеринде кѳрген тюшюмсе,  
Гокка хансым, къысыр къаяда ёсген.  
Къарла жаугъан кюнледе да тюшгенсе,  
Къыйынлыкъда тургъан заманда, эсге.

Жерими гюлю, кѳп тюшдюнг эсеме,  
Мухажирлик – азап болгъанын билдим.  
Жеримде, къапланып сени юсюнге,  
Уппа этерге узакъда термилдим!

Къаялада ёсгенинги узакъда  
Эсеме тюшюрдюм да, салам ийдим,  
Жаным такъырлыкъда къыйналгъан чакъда,  
Чыдаргъа кюреше, сенден юйрендим.

Жарсыгъан, арыгъан да сагъатымда  
Эсеме тюшесе да, мен сенден да  
Уялама: къаяны къанатында  
Ёсесе, хорлатыу жокъ эсингде да!

Ёсесе, къаты къая ташны хорлап,  
Ыспас, сейир эте, сени кѳреме,  
Къыйын сагъатымда мен, санга къарап,  
Биягъыча, мен сенден юйренеме.

1962